



# Կապիկի ծաղիկ

## Հաճախակի տրվող հարցեր ծնողների համար

### Ի՞նչ է կապիկի ծաղիկը

Կապիկի ծաղիկը վարակիչ հիվանդություն է, որն առաջանում է կապիկի ծաղիկ վիրուսից: Այն հայտնաբերվել է 1958 թվականին, երբ ծաղիկ հիշեցնող հիվանդության երկու բռնկում եղավ կապիկների այն խմբերում, որոնց պահում էին հետազոտությունների համար: Մարդկանց մոտ կապիկի ծաղիկով վարակման առաջին դեպքը գրանցվել է 1970 թվականին: Մինչև 2022 թվականի մայիս ամիսը այն հազվադեպ էր հանդիպվում Միացյալ Նահանգներում կամ շատ այլ երկրներում:

Գոյություն ունի կապիկի ծաղիկի 2 տեսակ: Այն տեսակը, որը ներկայումս գոյություն ունի ԱՄՆ-ում, ավելի թույլ է: Ամենատարածված ախտանիշը ցանն է, որը կարող է կապված լինել կամ չլինել գրիպի նման ախտանիշների հետ: Մարդկանց մեծ մասը հիվանդանոցում բուժվելու կարիք չի ունենում և կազդուրվում է 2-4 շաբաթվա ընթացքում: Կապիկի ծաղիկի դեմ հասանելի են պատվաստանյութեր և հակավիրուսային բուժումներ: Կապիկի ծաղիկի մասին ավելի շատ ընդհանուր տեղեկություններ կարելի է գտնել հետևյալ հասցեով.

- Լոս Անջելես Շրջանի Հանրային Առողջության Վարչության (LAC DPH) կապիկի ծաղիկի կայքէջ՝ [ph.lacounty.gov/monkeypox](http://ph.lacounty.gov/monkeypox)
- [CDC-ի հաճախակի տրվող հարցեր](#) կապիկի ծաղիկի մասին

### Որո՞նք են կապիկի ծաղիկի ախտանիշները

Կապիկի ծաղիկի ախտանշանները սովորաբար դրսևորվում են վարակակրի հետ շփումից հետո 3 շաբաթվա ընթացքում:

Ամենատարածված ախտանիշը ցանն է, որը կարող է՝

- Նման լինել ելուստների, պզուկների, բշտիկների, խոցերի կամ թեփի (կեղևակալած մաշկի): Վարակը կարող է տևել 2-4 շաբաթ, մինչև բոլոր կեղևներն ընկնեն և նոր մաշկ ձևավորվի վնասված հատվածների տեղում:
- Կարող է առաջանալ սեռական օրգանների (առնանդամ, ամորձիներ, սեռական շուրթեր և հեշտոց), հետանցքի, բերանի վրա կամ դրանց մոտ կամ մարմնի այլ մասերի վրա, ինչպիսիք են ձեռքերը, ոտքերը, կրծքավանդակը և դեմքը:
- Տարածված լինել ողջ մարմնի վրա կամ կարող է սահմանափակվել մեկ հատվածում: Կարող են լինել ընդամենը մի քանի ելուս կամ բշտիկ:
- Լինել ցավոտ և/կամ քոր առաջացնող: Որոշ մարդիկ խիստ ցավեր են ունենում, հատկապես, եթե ցանն իրենց բերանում կամ հետանցքում է:

Մարդկանց մոտ կարող են առաջանալ նաև գրիպին բնորոշ ախտանիշներ: Դրանք կարող են ի հայտ գալ ցանի առաջանալուց 1-4 օր առաջ կամ հետո: Դրանք ներառում են ջերմություն/դող, այտուցված գեղձեր, Էներգիայի պակաս, մկանային ցավեր և գլխացավեր: Ոչ բոլոր ցան ունեցողներն ունեն այդ համախտանիշները:

Կապիկի ծաղիկով հիվանդների մեծ մասն ապաքինվում է 2-4 շաբաթվա ընթացքում:

Թեև մարդկանց մեծամասնության համար վտանգը մնում է փոքր, յուրաքանչյուր ոք, ով ունենում է նոր անբացատրելի ցան կամ մաշկի վերքեր, պետք է դիմի իր բժշկին: Մարդիկ կարող են նաև զանգահարել Հանրային Առողջության զանգերի կենտրոն 1-833-540-0473 համարով (բաց է ամեն





# Կապիկի ծաղիկ

## Հաճախակի տրվող հարցեր ծնողների համար

օր՝ առավոտյան ժամը 8:00-ից երեկոյան 08:30-ը), եթե չունեն բժիշկ կամ առողջության ապահովագրություն:

Ախտանիշների մասին լրացուցիչ տեղեկություններ կարելի է գտնել Լոս Անջելեսի Շրջանի Հանրային Առողջության Վարչության [Կապիկի ծաղիկի ախտանիշներ](#) էջում:

### Ինչպե՞ս է տարածվում կապիկի ծաղիկ հիվանդությունը

Հայտնի է, որ կապիկի ծաղիկը տարածվում է սերտ, մտերմիկ (ինտիմ) և/կամ երկարատև շփման միջոցով, ներառյալ՝

- Կապիկի ծաղիկով հիվանդ մարդու ցանի, վերքերի կեղևի կամ մարմնի հեղուկների հետ մաշկը մաշկին անմիջական շփում
- Շփում այն առարկաների և գործվածքների հետ, որոնք օգտագործվել են կապիկի ծաղիկով հիվանդի կողմից
- Շփում կապիկի ծաղիկով հիվանդ որևէ մեկի շնչառական արտազատուկների հետ

Դրա առաջացման պատճառներն են՝

- Սեռական հարաբերություն և այլ մտերմիկ (ինտիմ) կապեր, ներառյալ համբուրվելը, մերսումը, գրկախառնվելը
- Չմաքրված գործվածքների և իրերի համատեղ օգտագործում (օրինակ՝ հագուստ, անկողնային պարագաներ, սրբիչներ, խաղալիքներ)
- Երկարատև, մտերմիկ, դեմ առ դեմ շփում, ինչպես օրինակ՝ շատ մոտ տարածության վրա դեմ առ դեմ երկար զրույց (մոտ 3 ժամ կամ ավելի)
- Կապիկի ծաղիկով հիվանդի տանը ապրելը, նրա մահճակալից օգտվելը կամ նրան խնամելը:

Կապիկի ծաղիկով հիվանդ մարդը կարող է վարակել ուրիշներին՝ սկսած ախտանշանների առաջանալու պահից, մինչև այն պահը, երբ ցանը բուժվել է, կեղևակալած մաշկն ընկել է և մաշկի նոր շերտ է առաջագել: Դա սովորաբար տևում է 2-4 շաբաթ:

Կապիկի ծաղիկով հղի անձը կարող է վիրուսով վարակել իր պտղին ընկերքի միջոցով:

**Կապիկի ծաղիկը շատ ավելի պակաս վարակիչ է, քան COVID-19-ը:** Այն Չի փոխանցվում հիվանդի հետ պատահական (կարճատև) զրույցների միջոցով կամ նրա կողքով քայլելիս:

**Գիտնականները դեռ չարուևակում են ավելի ուսումնասիրել, թե ինչպես է տարածվում կապիկի ծաղիկը, այդ թվում՝**

- Արդյոք վիրուսը կարող է տարածվել, երբ անձը չունի [ախտանշաններ](#),
- Որքան հաճախ է այն տարածվում շնչառական արտազատուկների միջոցով և
- Ցանկացած այլ տեսակի շփում կամ վարքագիծ, որը կարող է մարդկանց համար ավելի վտանգավոր լինել:

Տե՛ս [ph.lacounty.gov/monkeypox](http://ph.lacounty.gov/monkeypox)՝ լրացուցիչ տեղեկություններ և ամենավերջին տեղեկությունները ստանալու համար:

### Ինչո՞վ են տարբերվում կապիկի ծաղիկը և COVID-19-ը





# Կապիկի ծաղիկ

## Հաճախակի տրվող հարցեր ծնողների համար

Չնայած, որ ԱՄՆ-ում կապիկի ծաղիկի այս հանկարծակի բռնկումը կարող է անհանգստություն պատճառել COVID-19 համավարակի պայմաններում ավելի քան երկու տարի մնալուց հետո՝ կապիկի ծաղիկը շատ ավելի պակաս վարակիչ է, քան COVID-19-ը: Կապիկի ծաղիկով հիվանդանալու ընդհանուր վտանգը ներկայումս շատ ցածր է:

COVID-19-ը նոր վիրուս էր, որն առաջին անգամ նկատվեց 2019 թվականին: Կապիկի ծաղիկը նոր չէ, և դրա մասին հայտնի է երկար տարիներ:

Կապիկի ծաղիկը նաև չի տարածվում այնպես, ինչպես COVID-19-ը:

- Բռնկման ընթացքում կապիկի ծաղիկի տարածման հիմնական տարբերակը կապիկի ծաղիկով հիվանդի հետ սերտ, մտերմիկ (ինտիմ) և/կամ երկարատև մաշկ-մաշկ շփումն է:
- COVID-19 վարակի տարածման հիմնական տարբերակը օդում առկա փոքրիկ կաթիլներն են, որոնք արտանետվում են, օրինակ, երբ մենք շնչում ենք, խոսում, փռչում կամ հագում: Մարդը կարող է տարածել COVID-19 վարակը, անգամ եթե չունի ախտանիշներ:

Արդեն գոյություն ունի կապիկի ծաղիկի դեմ պատվաստանյութ և հակավիրուսային դեղամիջոց:

Լրացուցիչ տեղեկությունների համար այցելեք Կալիֆորնիայի Հանրային Առողջության Վարչության՝ [Կապիկի ծաղիկ և COVID-19-ի համեմատություն](#) կայքէջ:

### Արդյո՞ք իմ երեխան կապիկի ծաղիկով վարակվելու վտանգի տակ է

Ոչ, եթե նա սերտ, անձնական կապի մեջ չի եղել կապիկի ծաղիկով հիվանդի հետ: Բռնկման ժամանակ երեխաների՝ կապիկի ծաղիկով վարակվելու վտանգը շատ փոքր է: Թեև երեխաների հիվանդանալու դեպքեր պատահել են ԱՄՆ-ում, դրանք շատ հազվադեպ են:

Երեխաները կապիկի ծաղիկով հիվանդանալու ավելի մեծ վտանգի տակ են, եթե նրանք ապրում են կապիկի ծաղիկով հիվանդի հետ, հատկապես, եթե նրանք հիվանդի հետ օգտվում են միևնույն մահճակալից կամ այլ պարագաներից: Եթե Դուք ունեք կամ կասկած կա, որ ունեք կապիկի ծաղիկ, միջոցներ ձեռնարկեք Ձեր տան անդամներին պաշտպանելու համար: Տե՛ս՝ [Կապիկի ծաղիկով հիվանդ մարդկանց մեկուսացման հրահանգները](#):

Այն դեռահասները, ովքեր ֆիզիկական ինտիմ/սեռական ակտիվ կապ են ունենում ուրիշների հետ կամ հայտնվում են այնպիսի իրավիճակներում, ինչպիսիք են երեկույթները, որտեղ նրանք կարող են մաշկ-մաշկ շփում ունենալ, ևս գտնվում են կապիկի ծաղիկով հիվանդանալու ավելի մեծ վտանգի տակ: Սա հատկապես իրատեսական է, եթե նրանք այդ գործողություններն իրականացնում են այն մարդկանց խմբերի հետ, որտեղ տարածվում է կապիկի ծաղիկը: Լրացուցիչ տեղեկությունների համար տե՛ս CDC-ի՝ [Ապահով սեքս, հասարակական հավաքներ և կապիկի ծաղիկ](#) կայքէջը:

Երեխաների շրջանում կապիկի ծաղիկի մասին տեղեկատվությունը սահմանափակ է, քանի որ այն շատ հազվադեպ է, սակայն ապացույցներ կան, որ կապիկի ծաղիկ հիվանդությունը կարող է ավելի ծանր ընթացք ստանալ մինչև 8 տարեկան երեխաների մոտ: Այն նաև ավելի ծանր կարող է լինել նրանց մոտ, ովքեր ունեն թուլացած իմունային համակարգ կամ ունեն մաշկի որոշակի հիվանդություններ, օրինակ՝ Էլզեմա:





## Կապիկի ծաղիկ

# Հաճախակի տրվող հարցեր ծնողների համար

### Կա՞ն թեստավորման տարբերակներ այն երեխաների համար, ովքեր կարող են վարակված լինել կապիկի ծաղիկով

Այո: Դիմք Ձեր բժշկին, եթե կարծում եք, որ Ձեր երեխան կամ Ձեր ընտանիքի որևէ անդամ կարող են վարակված լինել կապիկի ծաղիկով: Դուք կարող եք նաև զանգահարել Հանրային Առողջության Չանգերի Կենտրոն՝ 1-833-540-0473 (բաց է ամեն օր՝ առավոտյան ժամը 8:00-ից երեկոյան 08:30-ը), եթե Ձեր երեխան չունի բժիշկ կամ առողջության ապահովագրություն: Եթե Ձեր երեխան ունի նոր անբացատրելի ցան, և բժիշկը կարծում է, որ դա կարող է պայմանավորված լինել կապիկի ծաղիկով, նա կարող է քսուկ (սմուշ) վերցնել վնասված հատվածներից: Քսուկներն ուղարկվում են լաբորատորիա՝ թեստավորման:

Հիշեք, որ ցաները տարածված են երեխաների մոտ և կարող են առաջանալ տարբեր պատճառներով: Քանի որ կապիկի ծաղիկը շատ հազվադեպ է պատահում երեխաների մոտ, ցաների մեծ մասը, ամենայն հավանականությամբ, պայմանավորված է այլ բանով: Եթե ցանը նման չէ կապիկի ծաղիկին, բժիշկը կարող է թեստ չանել, հատկապես, եթե նրանք այլ կասկածներ ունեն և/կամ երեխայի հետ հայտնի կամ ենթադրվող շփումներ չեն եղել:

Կապիկի ծաղիկի թեստի մասին լրացուցիչ տեղեկությունների համար այցելեք Լոս Անջելեսի Շրջանի Հանրային Վարչության կապիկի ծաղիկի կայքէջ՝ [ph.lacounty.gov/monkeypox](http://ph.lacounty.gov/monkeypox):

### Արդյո՞ք գոյություն ունեն բուժման տարբերակներ այն երեխաների համար, որոնք կարող են վարակված լինել կապիկի ծաղիկով

Այո: Եթե երեխան վարակված է կապիկի ծաղիկով, ապա նա կարող է բուժվել: Կապիկի ծաղիկով հիվանդ շատ մարդիկ հիվանդանում են վիրուսի թեթև տարբերակով և ապաքինվում են առանց որևէ հակավիրուսային բուժման:

Գոյություն ունի FDA-ի կողմից հաստատված հակավիրուսային դեղամիջոց, որն օգտագործվում է կապիկի ծաղիկի բուժման համար, որը կոչվում է տեքովիրիմատ (կամ TPOXX, արտասանվում է TEE-pocks), որը կարող է օգտագործվել կապիկի ծաղիկով հիվանդ մարդկանց բուժման համար: Վիրուսները, որոնք առաջացնում են ջրծաղիկ և կապիկի ծաղիկ, ծագում են վիրուսների միևնույն ընտանիքից, ուստի դեղամիջոցն օգտակար է երկուսի դեմ:

TPOXX կոչվող հակավիրուսային դեղամիջոցը կարող է նշանակվել կապիկի ծաղիկի ծանր ընթացքով տառապող մարդկանց, ներառյալ զգայուն հատվածների ախտահարումների կամ ցավի համար, որը հնարավոր չէ վերահսկել առանց դեղատոմսի վաճառվող դեղամիջոցներով: Այն կարող է տրվել նաև կապիկի ծաղիկ ունեցող այն մարդկանց, ովքեր ավելի հավանական է, որ ծանր կհիվանդանան: Երեխաները՝ հատկապես մինչև 8 տարեկանները, կարող են ծանր հիվանդանալու ավելի մեծ վտանգի տակ լինել, եթե նրանք վարակվեն կապիկի ծաղիկով:

### Ի՞նչ տեղի կունենա, եթե իմ երեխայի դպրոցում կամ խնամքի կենտրոնում կապիկի ծաղիկ հայտնաբերվի

Յուրաքանչյուրը կարող է վարակվել կապիկի ծաղիկով, եթե նա վարակված անձի հետ սերտ անձնական շփում ունենա: Այնուամենայնիվ, այս պահին դպրոցներում և երեխաների խնամքի այլ հաստատություններում վտանգը շատ փոքր է: Դասասենյակում կապիկի ծաղիկի





# Կապիկի ծաղիկ

## Յաճախակի տրվող հարցեր ծնողների համար

ախտանիշներ ունեցող մեկի հետ պարզապես նստելը վարակի հետ շփման և վարակվելու շատ փոքր վտանգ է ներկայացնում:

Եթե պարզվել է, որ Ձեր երեխան կամ դեռահասը դպրոցում վարակվել է կապիկի ծաղիկով, Լոս Անջելեսի Շրջանի Հանրային Առողջության Վարչությունը կհամագործակցի դպրոցի հետ, որպեսզի խորհուրդներ տա, թե ինչ պետք է անեն բոլոր նրանք, ովքեր վարակվել են կամ կարող են վարակված լինել:

Սովորողների մեծամասնությունը կարող է շարունակել հաճախել դպրոց և դպրոցին առնչվող այլ միջոցառումներ, նույնիսկ եթե նրանք սերտ շփում են ունեցել կապիկի ծաղիկով հիվանդի հետ, քանի դեռ նրանց մոտ ախտանիշներ չեն առաջացել:

### Արդյո՞ք իմ երեխան պետք է տանը մնա՝ դպրոցից կամ մանկապարտեզից հեռու, եթե վարակված է կապիկի ծաղիկի վիրուսով

Կապիկի ծաղիկով հիվանդ մարդը կարող է վարակել ուրիշներին՝ սկսած ախտանշանների առաջանալու պահից մինչև այն պահը, երբ ցանը բուժվել է, կեղևակալած մաշկը ընկել է և մաշկի Նոր շերտ է առաջացել: Դա սովորաբար տևում է 2-4 շաբաթ:

Կարևոր է, որ կապիկի ծաղիկով հիվանդ մարդիկ հետևեն [Կապիկի ծաղիկով հիվանդների մեկուսացման հրահանգներին](#): Նրանք պետք է մնան տանը և հեռու լինեն ուրիշներից, քանի դեռ վարակակիր են: Երբ նրանք բավարարեն հատուկ չափանիշները, նրանք կարող են սկսել որոշակի գործողություններ կատարել տնից դուրս, քանի դեռ դրանց համար չի պահանջվում սերտ ֆիզիկական շփում ուրիշների հետ:

Բոլոր երեխաները պետք է մնան տանը, եթե կասկած կա, որ նրանք ունեն կապիկի ծաղիկ, մինչև բժիշկը գնահատի նրանց վիճակը և հայտնի դառնան բոլոր թեստերի արդյունքները:

Կապիկի ծաղիկով վարակված երեխաները, ովքեր 8-ից տարեկանից փոքր են, պետք է մնան տանը՝ դպրոցից կամ մանկապարտեզից հեռու, մինչև մաշկի բոլոր վնասվածքները բուժվեն և ցանկացած այլ ախտանիշներ, ներառյալ ջերմություն, չունենան առնվազն 48 ժամ առանց ջերմությունը իջեցնող դեղամիջոցների օգտագործման: Այդ փոքր երեխաներին տանը պահելու երկու պատճառ կա: 8-ից ցածր տարիքի երեխաները, որոնք վարակվել են կապիկի ծաղիկով, ավելի հավանական է, որ կարող են ծանր հիվանդանալ: Եվ նրանք ավելի հավանական է, որ ավելի անմիջական ֆիզիկական շփում կունենան միմյանց հետ պարզապես մշտական խաղի և օրվա ընթացքում հաղորդակցման միջոցով: Մինչև 8 տարեկան երեխաներին տանը պահելը նրանց հեռու է պահում այնպիսի միջավայրից, որտեղ կան շատ փոքր երեխաներ, որոնք կարող են վարակվել:

Կապիկի ծաղիկով հիվանդ երեխաները, ովքեր 8 տարեկան և ավելի բարձր տարիքի են, կարող են դպրոց հաճախել նախքան բոլոր վերքերի լիովին բուժվելը, քանի դեռ բավարարված են որոշակի չափանիշներ, ներառյալ այն, որ վնասվածքները կարող են ծածկված լինել: Այս չափանիշները թվարկված են [Կապիկի ծաղիկով հիվանդ մարդկանց մեկուսացման հրահանգներում](#): Հրահանգները նաև բացատրում են այն նախազգուշական միջոցները, որոնք պետք է պահպանվեն, մինչև անձը պատրաստ լինի վերսկսել բնականոն գործունեությունը: Նախքան Ձեր երեխայի դպրոց վերադառնալը, LAC DPH-ն կաշխատի Ձեզ հետ՝ ուղղորդելու շարժվել լավագույն ճանապարհով: DPH-ը ակտիվ ներգրավվածություն է ունենում, եթե երեխան կապիկի ծաղիկ ունի, և հասանելի է ընտանիքներին՝ ուղղորդում և օգնություն տրամադրելու համար:





## Կապիկի ծաղիկ

# Չաճախակի տրվող հարցեր ծնողների համար

### Որտե՞ղ կարող եմ ստանալ կապիկի ծաղիկի դեմ պատվաստանյութ իմ կամ իմ երեխայի համար

Եթե Դուք կամ Ձեր երեխան պատկանում եք կապիկի ծաղիկի դեմ պատվաստման իրավասու խմբերից մեկին, այցելեք [Հանրային Առողջության պատվաստումների կայք](#) կամ այցելեք [Myturn.ca.gov](http://Myturn.ca.gov)՝ Ձեր մոտակայքում վայր գտնելու համար: Երբ Դուք գնում եք այդ վայր, պատրաստ եղեք հաստատել, որ Դուք բավարարում եք կապիկի ծաղիկի դեմ պատվաստանյութ ստանալու չափանիշներին:

Այցելեք [ph.lacounty.gov/monkeypox/vaccine.htm](http://ph.lacounty.gov/monkeypox/vaccine.htm)՝ տեսնելու համար, թե ով է պատվաստման համար իրավասու: